

餘構復舊觀不勞衆而事集崇階連庀交綺疎寮敞以清虛之室俯以浩衍之川冠嶺南浮龍門西峙隱然坐得海天勝概而忘其遠且僻也正中以是年十月課耕來應留駐匝月恭值皇上萬壽乃與郡城文武僚屬拜舞亭下踰踰濟濟克成禮容陬澁冠裳並得仰瞻天顏於咫尺每退朝之暇登臨縱目如見鳳闕嵬峨玉河清泚間與同官序射亭南藉芳蔭樹雍容燕譽士庶環觀如堵怡然粲然有若孩提之仰其父兄以笑言爲歡樂而不自知其所由然者蓋邊氓沐浴聖化當事制軍鄂公撫軍楊公並以碩德令望久於其職勤宣聲教用俾室盈婦甯詠蹈和樂以助成茲亭千載之盛也郡侯遺時清明發身賢良之科起家惠來令考最昔今秩遇合極隆而履昔賢僑寓吟嘯之地本慶幸以爲感懷乃仿古染翰復新舞額以落成之其於文忠殆有異世同揆不惟其跡之殊而要於心之一者正中躬逢嘉會稔知諸君子率先興事無非激揚風烈涵養中誠且喜通都長吏士庶將每歲祝延於茲則萬古名亭可卜萬年永固是宜誌所自始俾後世述禮者有考焉

## 了齋記

明揚學  
僉事 歐陽鐸

宋陳忠肅公徙廬州顏其寓曰了齋而讀書其中廬州人遂羣號爲了齋先生府志故址在郡治宣化坊按公任左司諫極論蔡京等下姦毒甯中除名竄袁州連移郴汝二州公蓋精於易數者也蔡下素敬左道張懷素會懷素將至下留公少待堅不從後懷素果被誅其所言國家大事成敗利鈍之故如操左券其謫廬州時年已逾五十意其學與年進而於易理之奧易數之微必有深造自得者其以了齋名居其亦貫通於易而獨處洞然者乎公既灼知夫吉凶消長之理進退存亡之機故隨遇而安此了齋之所以命名也願遐方僻陋無人傳其緒餘公亦以廬人無足語此而竟不傳也惜哉成化丙午劉太守烜因了齋舊址爲忠肅公祠嘉靖壬午提學僉事魏君校復改北府廟爲公祠又明年余承乏來處試事既竣屢謁各祠則流寓之官牌位相錯雜而劉太守魏僉事所建忠肅祠俱已鞠爲茂草乃商之太守韓君以城東元帥廟改爲寓賢祠奉蘇子瞻而下凡若干人以先賢祠改爲名宦祠奉賈公而下凡若干人爰卽宣化坊舊址重建了齋祠以奉公祀韓太守曰陳忠肅公之有了齋也人皆知之叩其

所以了齋命名則習焉弗察賴公闡明其義誠爲聞所未聞敬研墨濡筆以求記余重其請也故記之

## 復初書院記

明御 陳儲秀

康瀕海爲郡故學宮地因泥形家說改於元妙觀而以異舊學基地易之相傳自元世爲然嘉靖甲辰胡子鼂來守是邦詢及學宮故址慨然曰邪正相易大道之不明也黃冠羽衣者流君子火其書廬其居猶懼弗振可使之居吾居耶在昔學宮爲先聖先賢靈爽所式德士大夫藏修游息之地棄而與之俾從容飲食於其中彼得持其說與吾道相頡頏頑儒教亦寢微矣昔孟子言楊墨之道不熄孔子之道不著欲熄二氏以行吾道尚可使之居吾居乎哉夫荒坵故址偶爲前賢所游寓至今猶想慕其人而愛護之矧故學宮地耶胡子乃毀其像以其地爲復初書院匾其門曰崇正明其不終入於邪也顧吳堂曰克復幸其終歸於正也知所崇斯不墜知所復斯不迷胡子其知道矣

又

明參 張

廉州府學舊在城東北隅縣學附之其在逼城垣右瀕故城濠卑湫敞陋學宮子弟屢以爲病圖遷縣學於城外之南屯遷府學於城內東南朱砂岡之陽然府學改遷未幾余旋奉督學兩浙之命廟庭規制與夫講堂齋舍廡宇之類未及備而去太守陳君乃克成之甲辰冬胡太守鼂又惠從學者衆齋舍不能容羣弟子仍以府學舊址改爲書院中開講堂旁列齋舍後爲度書之間門庭途徑沉邃嚴整於是府縣兩庠之士進則瞻依廟庭而升降揖讓於兩序之間退而藏修於此又得屏紛囂一思慮親師取友優焉游焉不見異物而遷焉則胡君之澤遠矣今不遠數千里郵函請余爲記因思廉州余舊治也爲寄語廉之多士曰三代之學所以明倫也禮義廉恥根於天良文章事業本於經術然野而修者不協於矩意而作者不式於道今書院落成爾多士尚其砥行勵名潛心載籍勿負賢太守造就之雅意是則余之厚望也夫因書以歸之是爲記

克復堂記

明祭鄒守益

原瀕海而郡近京師萬里俗近交夷其不聞聖賢之大義久矣吾友鹿崖胡子之守廉也欲洗濯廉制之乃稽學宮之故址毀元  
方觀為書院而頽其堂曰克復郵書京邸以請記於余余謂視聽言動己之目也非禮勿視聽言動克己之目也惟己克而禮復  
矣自吾人陷溺於聲色貨利之場以汨沒其仁義禮智之性則人欲橫決本心枯亡無論紛紛紅酬酢盡失其為故我即清夜平旦  
而煇火之乍明乍息者亦竟莫得其端緒乃如之人不過尸居氣餘雖儼然耳目官骸徒為虛器覲然儒冠儒服徒為具文今廉  
郡雖遐荒視聽言動將有異於鄒魯乎頽其堂曰克復則聖庶（足旁）之分人禽之界實判於此矣廓然虛中以求仁是曰休復  
毅然從善而弗惑是曰獨復屯（月旁）然純篤而無妄是曰敦復屢得屢失而弗能守是曰頽復冥然罔覺甘為下愚以自賊是  
曰迷復誌士之登斯堂也其為休為獨為敦為頽為迷在一念敬肆之間而已矣一旦而崇正教敦實行仁其身以仁天下將孰  
說之而孰愛之類何人也予何人也幸無忝於斯堂

文會所記

明知何御

廉有復初書院前太守鹿崖胡公因舊府學為之規制宏敞號宇聯絡諸王講習已有地矣乃復為北園文會所何也北園非為  
文會創也以借學二其地為林氏故居病真窟下乃歸於官其初無微不治莽然荆棘耳予漸次芟除數日遂成勝地方塘修  
竹丹荔黃柑一望陸翳每逢微雨欲歇恆履步其間浙浙有聲晨起則霽色滿林微見遠山如畫余顧而樂之於是為門為堂  
為室為廡為垣公餘之暇焚香默坐於此一假憇焉而義學生徒從予至者執教經問難退而各書所聞相與往復討論若真有  
得於余者咸曰此文會所也爾一時吏民遂易其面以文會所名聞之記曰歲焉修焉息焉游焉弛而不張張而不弛文武不  
為也一強一弛文武之道也諸生能知余之所以息游者而得其藏修之實則茲區也可以不廢而師友淵源有真樂矣不然人  
知從太守之舉而不知太守之其樂也與諸生何與哉

# 重修書院碑記

清 施世驥

國家之治惟官得其人民得其理而已官得其人則庶政修民得其理則頑梗化而要其源皆出於管子曰十年之計樹木百年之計樹人夫樹人而以百年為期則漸以觀摩需以歲月然後人才之成就者多非一朝一夕之故也聖王之設學校使有所居而安其身有所警而悅其心有所警勸感發而成其業國家文教誕敷菁莪棫樸之化遠於要荒凡有守土之責者豈不以興賢育材為首耶耶州僻處邊徼久罹兵燹詩書禮樂之風蕩然矣董公先構天南書院為生童肄業地逼於湫隘絃誦無聞余奉守是邦下車課士見慧中而秀外者恆不乏人奈因循失教振興無人心竊憫之爰相城西海角亭首建勢爽壇堪文義學乃於乙酉秋鳩工庀材建堂室廊房以間計者八延師主舉比進生徒面教之課藝論文交相砥礪於是庸人粗知有學計自乙酉至今又歷十有四年而日就傾圮余乃復為修葺且擴而充之繼今以往歲修息游有其地庶幾日涵月泳以底於成則今日之舉不為虛設而余言亦不為虛言也諸生其共勛之合浦縣教諭南海李君錫移董是役並請余記之昔康熙五十七年戊戌

## 重修海門書院記

清 朱奎 木旁 星

方今治化昌明人才蔚起聲教之流遍於遐荒其樸而愿者本於秉彝之良無或入於皮（言旁）淫而汨其性其秀而文者勵其生質之異蹈德詠仁魚魚雅雅以和鳴國家之盛猗歟休哉一道德而同風俗也然無激勸之方則其憤不發無教育之漸則其材不成是非在於作化之有原振興之有具哉命上御極之元年余奉命擢守廉州二年春來泚斯邦見夫樸茂聰穎之士非不朝稽而夕考也而人自為師家自為學即有良材之士殊無交引砥礪之功亦自循其絃誦焉而已初余之牧欽州也嘗觀志乘郡城外西面砥柱磯有海門書院經始於乾隆癸酉周公碩勳乾隆丙申前河帥茂園康公治郡甫事修葺迄今垂五十年矣因事舉郡聞往營之見講藝之堂棲士之舍與夫祀飲寢食之所皆就傾欹而其觀亦不宏即思有以葺復擴充之因職有所司而不敢乃還治書院完碑多士得以奮勵多士亦樂有趨從也不期年而即成今守斯土而收績於從事哉爰與諸同官共稟是

未鳩工庀材亟修之郡人王君志文陳君蕙廷王君達堯鍾君弼才等相率董作亦如飲人之樂有趨從故材不賦而美工不督面勤其成也講藝之堂宏而肅棲士之舍賅而周後置樓以祀文昌前建閣以奉魁宿門屏序位井然秩秩然規闕括而不偏抑何此邦之多賢也夫康屬巽軫分野地處極南極應離之方位離之象曰離麗也日月麗乎天百穀草木麗乎土重明以麗乎夏乃化成天下我朝垂二百年文明之治遠邁前古近今嶺表之士翼翼濟濟以貢於王庭豈不稱藹藹吉士哉矧康處地之極南自亦有以上應文明之象今得止以聚之師友以解其惑勸懲以勉其進則其良材之駸駸以幾於成文可必者易之繫辭曰有親則可久有功則可大可久則賢人之德可大則賢人之業吾願勵其富有之業日新之德以其業征也可不勉歟落成郡士來請曰願有記余喜郡之人樂於學而知有所憤發以響應也故記之

又 就園遺稿

王傳緝

書院之設上而省會京畿下而逮窮陬僻壤以端士習以正人心胥於是賴吾郡濱海而處地荒且瘠藏書亦不富又鮮良師友講讀磋磨之甲科寥落士或廢而為巫醫星相陰陽之術視若第一業以謀生可慨矣甚或投筆從戎日微逐於市井廝役推埋之侶僥幸一人旁 萬一以博取富若貴人心尚可問乎光緒十三年聘侯吳太史來守是邦惻然曰士習不端人心不正守土者之責也都人士之恥也海門院舍圯矣其復之爰與諸君子勸捐興作院左臨江石以砥之右沿渠磚以壁之堂基如故取堅實也閣宇增華象文明也前展大門後繚餘地移置字塔改造環橋相其意而為所適也興工於光緒十三年十月泊十四年六月告成置經史子集若干卷器用若干件共費錢五百七十餘千繼自今主講得師藏書有所多士樂羣敬業藏修息游領粵秀之益事重金臺之聲價行見登奮以此者既膏沃而光奕矜式於此者亦息競而存真化行俗美基此矣科甲云乎哉

### 增修海角亭學舍記

增知 張召 (王) 美

大海從高雷環繞而來折入巖境唐固粵左一隅亦大海一角此前人海角亭所由建也亭南江流怒走八十里入海角潮汐至

廢壘轟然登斯亭也可以悟道之動環亭修竹萬竿古樹叢雜芭蕉細草間之山自牆頭躍出蒼鬱彌望登斯亭也可以悟道之靜且城郭參差市橋蜿蜒重檐疊屋人煙簇族時聞雞犬吠之聲全郡之勝盡在乎是則動靜因時之理尤覺會心不遠焉誠哉足為藏修息游之所非僅游覽名區也第歲久荒落不獨蛾術者未聞即遊人亦不數數余於癸丑歲杪涖郡事偶一游憩低徊久之不忍去明年春司馬莊公合浦尹鹿君合資修葺余亦捐糜於亭地之隙增築學舍十楹有奇會書院甄別事竟因拔其尤者俾肄業於中於是遊覽之地遂為講學之所矣嗟乎海內名勝之區所在皆有乃官游者率桎梏簪裾奔走期會弗獲與民共樂而彼逸士幽人超然泉石又止以適其清虛淡遠之懷非必能曠然自得與物同春此春風沂水先儒所以謂為能見其大也古語有之一味之鮮期與人共今置諸生於是實欲以予所得於道之動且靜者畀之諸生誠舉智流仁峙陰閱陽閱之景納以襟袖體以精神自必所見者大而時止則止時行則行動靜悉合其宜焉余固枯槁簪裾奔走期會者而諸生必無徒適其清虛淡遠之懷則是地也雖海角亭乎即謂之沂水舞雩亦無不可

## 重修還珠書院砥柱亭記

張召、王旁、美

還珠書院者八閩施公守郡時所建以為諸生講學之地也閱十餘年更建一亭重檐複道曲檻迴廊郭城嵯峨巋然在望江流莽莽水旁莽莽水旁汨汨盤折南來亭適當其衝故又名其亭為砥柱云夫康以還珠名郡因焉嘗去珠復還之事俾後之守斯土者顧名思義甯為其康勿為其貪八以云初也嘗以兩朝臺之場又人學士游息其中求明聖賢之道或分齋講習為蘇湖之弟子或明經論道為南州之闕里或讀書談道為河汾之教授教學之地以教學之名名之可也而亦曰還珠還珠云者施公之所以自砥亦欲後來者不可聽諸日就榛蕪而惟以興學教士為急急也矧砥柱之名又以矯隨俗之習力迴狂瀾為中流砥柱是書院與斯事之建皆所以自為勸而又以勸夫後之守斯土者也司馬莊公目睹頽垣敗甃盡椽摧棟思欲捐貲而重葺之會浦尹鹿公亦與有同志爰鳩工庀材閱三月竣事鹿公集僚友賓朋而落之且囑余記其成余惟歐陽公記豐樂亭以其地僻

事間愛其俗之安閒以爲宣上恩德與民共樂刺史之事今我皇上久道化成重熙累洽民州百有餘年熙熙皞皞（白旁）自旁皞皞（白旁）飲和食德而不自知余與諸君子有事茲土當歲物之屢豐生齒之日繁而地無虎豹事無空（A旁）忽（A旁）修葺亭榭以與都人士講習討論剝削浮飾切劇性情期日進於有成則不惟使斯民相與安此豐年之樂且知所以飫乎詩書之澤庶後之人克繼前徽而於前人之所望於後來者可藉以少慰也獨是事無取乎徒襲其名而在克盡其實修舉廢墜美事也興學育士美名也若士之從遊茲地者敦行守道不徒有其名而克勉其實則書院與亭之建庶不徒煙雲花雨之狀可以娛目溪聲鳥語之異可以悅耳而與述名悟寂騷人放客捫蘿（草韻）躡遠得以徜徉而肆志者等矣爰是縷而書之所以自勸而並勸乎講學於其地者

## 廉郡三社學記

明教 林建邦

古昔三代之隆黨有庠術有序當是時鄉無不學之家家無不學之人相觀相養以保其天真故雖免置之野人閭巷之女子皆知禮義廉恥之節而濟濟之碩士藹藹之吉人無論已猗歟休哉今世社學之名猶存三代鄉學之遺意廉郡自正統後始立社學以寇警時聞地方多故徒存空名爲父兄者無督率之嚴爲弟子者乏觀摩之助村塾先生之教亦苟且怠惰無復纏綿懇惻之意於訓其蒙童無怪乎風俗之日俞（女旁）也予自真靖己亥東鐸於廉竊傷學校之不振而學校之不振實自社學之廢始今猶幸空名之尚存也故廉陽社學有在東曰東泮西曰西江北曰北園爰廩膳於餘資量爲修葺亦夫子愛饋羊之意也夫豈嘉靖三十五年乙卯夏四月既望日

## 新建廉湖社學碑記

何天衢

國家崇獎文治一道同風既立學宮復詔各直省建設書院延師儒以訓子弟而鄉遂遠郊又爲之立社學社學者卽古之小學成湯以訓蒙士文王以教小子而載禮所謂家塾黨庠者也以其距郡縣學遠故立於當社俾一鄉之子弟往學焉具有秀異者

則升於學謂之書社越漢唐宋元明以乘歷代崇之我世宗憲皇帝御極之元年詔粵東郡縣成立社學每社歲發帑金二十四兩延師教課兼訓官音時南海社學一百二十番禺七十餘其他郡縣少亦不下數十連乾隆中以粵音丕變當事者始議裁汰帑項而社學漸廢嘉慶十九年余來寧廉越二年六月台浦諸生彭漢光等請曰郡城東北百二十里有大廉六湖兩洞廬井萬家子弟之願學者無從行師焉請於兩洞之交地名紅嶺建立社學以惠私弟丁余聞之甚喜亟而請於既司既付報而鄉人之好義者諸生之與執事者咸各以其貲舉助遂於二十二年正月經始其明年四月落成凡爲門三間講堂三間房七間舍十二間庖滷畢備費制錢一百八十餘萬復爲撥置田畝以給諸生膏火道光元年始克礱石爲文記其緣始以示後人因召諸生而告之曰夫學莫大於立身莫先於有恥古人立身揚名可爲法於天下後世而我未免爲鄉人是則可恥之大者也故士之讀書非僅記誦文辭以釣聲名干利祿而已要在舉聖賢所言皆通之於心而有之於身耳非然者安免如朱子所云書愈多而理愈昧讀愈勤而心愈肆耶廉雖僻處海隅然涵泳聖澤文明日啟久足比隆他郡且自唐宋以來名世大儒多居其地流風餘韻迄今猶有存書士苟有志既能博極羣書復交相激勸以成其德粹舉張文獻之德業崔清獻余襄公之經濟陳白沙之理學海忠介之風節哀而有之俾百世下聞其風者頑廉懦立亦分內事耳孟子不云乎今日舉烏獲之任是亦烏獲而已若狗俗卑下無高遠之識閤閤汶汶蔽於時流浮薄之名震於無足重輕之士靡然同風溺而不返其何由追步前賢乎今社學初立故爲論其大要以警諸生使無忘今日文學本意又以告來者使歎慕興起於無窮也諸生勉旃凡職事諸人例得書姓名於石其前後撥置膏火田畝租入之數詳載府學碑陰

## 新建球場社學碑記

何天衢

事有相因而起者惟懼慕乎名懷乎利而爲之若其一出於義則此心之公理之同安見人之好善不如我也余既議興廉湖社學越六旬球場鄉諸生李遇春等亦來請曰蓋聞道之在天壤如泉之在地泉不擇地而出教不擇人而施吾州距中國萬里士



之力學者當速他不郡今幸太守來蒞此邦敷文育德修飾學校以惠我廉人廉湖之士既聞風而興起矣而珠場獨無吾鄉之士咸焉願因太守以請亦得立學以比廉湖余聞之益喜曰語云一人善射萬夫決拾此之謂夫雖然爾諸生之爭立學也其有志於修德行道經史古文之學乎抑徒苟慕於會文甲乙無實之虛名及區區膏火之微利乎夫今之書院其弊可得言矣月課季考一暴十寒就試者勦襲雷同草率敷衍習焉不恥而校者亦第視爲具文無所匡正師若弟泛泛焉若秦人於越人肥瘠其究也相率求名而弗成名相率求利而無所利茲社學之舉太守任之第願諸君舍小名而求大名舍小利而求大利遵先聖之言履先哲之行學重當時聲施後世以是言名名孰大焉行成名立物望所歸遠則黼黻於朝窮亦俎豆於社以是言利利孰大焉於時諸生成唯唯而退因復爲請於大府既得報其鄉人之好善者諸生之與職事者各以其貲相助亦如廉湖之役莫不踴躍以從也越歲工竣凡得講堂學舍十有二椽糜錢一百九十餘萬復撥置田畝以給諸生膏火合社請記於余因述向所語於諸生者勤誥貞石俾始終知所做勉云

## 衛氏墟記

明教  
傅 釐

太守何公守廉閱四載餘而治行卓卓今擢浙江都轉運鹽使司行有日矣公曰廉城之北地僻人稀每雀符戎履軌逾此以掠如藏戕兵民倘不爲善積策亦余不了事爰謀之陳司馬請諸當道治營堡立邏哨徙土著之兵以守之然猶慮其單弱不能久也復開墟場以移墟西之民貿易於其間俾行商坐賈肩挑背負熙熙穰穰而來者日新月盛以壯聲援於是兵以是固城以是完民以是宴然矣鄉者包度楊金輩謀勸諸石而請記於釐釐知太守敏歷中外事業炳炳其守廉也保障綏和之功廉民已尸祝之乃開墟一事亦必理畫周詳聿觀厥成乃去蓋公天性純雅學務謹篤以實心行實政故初終一欵如此彼夫視一官如傳舍汲汲焉陞遷是圖而置民事於弗顧者其相去何遠哉是爲記

# 永平巡檢司記

四知錄 岳

原石康縣之永平信立永豐歸德四鄉在合浦縣之東北插入廣西界環匝百餘里深阻爲逋逃藪舊設巡檢司一員以禁詰之又度地據險立營爲木閘以鎖諸山隘在永平者曰平原營風木閘外距博白之西鄉雲盧諸山在永豐者曰木頭橫營樟木閘外距鬱林之富民興業興德三鄉大桂諸山又曰沙尾營康樂閘外距興業之懷南里在信立者曰馬頭營深水閘外距橫州之端峯里而歸德之墟隍營大閘正當咽喉之處蓋其地外束而中寬如世所傳葫蘆形者自墟隍營以北逾嶺二十里至康樂閘則博白之隰麗江出焉台永平之黃藤漆桐二江北流入貴縣之鄉（即一）江與大江合蓋廉之水皆南流入海惟此數小水獨背郡而西流氣脈若與郡不相聯絡故往往多寇孽以梗吏治然其地山川深邃美田疇產竹木夏秋水漲筏浮舟運順流而下以達蒼梧南海亦唐郡之奧區也成化二年粵西斷藤峽寇亂破潯貴營白轉掠而東入慶郡境先蹂躪數鄉然後石康不守而郡城亦因以殘破假令當是時先命一將提兵駐永平以扼其來路賊未必遂能深入就入亦必憚於牽制不敢長驅縱掠而爲禍若斯之烈也豈不重可惜哉其後地方甯謐流亡漸歸荒蕪漸闢爲稽稅籍正疆界分別主客戶立保伍法以約束之庶幾可使遵吏畏法也有司以懸遠莫之省遠爭而訟訟累年不決又互相仇殺法不能制欲草薙而禽獮之至無類乃止蓋自成化宏治以來是者數矣最後不得已乃棄以界狼兵所謂引豺狼以守藩籬胡可恃也初石康既破以其地省入台浦其四鄉亦併入歸德一鄉巡檢司寄居無定所宏治元年移寓靈山石隆堡嘉靖十三年甲午巡檢郭威千夫曹甯文聰求巡司舊蹟得於永平村請復建廡宇徙居之又漸葺故營閘以聯絡其聲勢議上府府爲申議報諸司其費皆威與文聰率鄉民勸捐而公督不與焉其明年乙未秋八月余抵郡而工已竣兩人以記來請余諾之未暇也又明年丁酉巡司郭威以秩滿去後一年文聰亦死是年冬余亦有浙學之命將行念余既有夙諾不可以生死去留而易之乃備書始末付義民林申鳳勸之石以成此兩人之